

महाबोधि सभा-नेवारी-ग्रन्थमाला — १ पुष्प

पूजा-विधि

लेखक :

सुमन वात्स्यायन

अनुवादक :

भिक्षु महाप्रज्ञा

Dhamma.Digital

प्रकाशक :

महाबोधि सभा

सारनाथ (बनारस)

बुद्धाब्द

प्रथम संस्करण १०००

१४८५

मूल्य दो आने

<https://dhamma.digital>



<https://dhamma.digital>

थःगु खँ

नेपाल या अधिवासी प्राचीन कालं नसेहे बौद्ध धर्मानुबन्धीपिं खः । न्हापां नसेहे थुगु पवित्र भूमि या नगरे = (सहर) ग्रामे ग्रामे जंगल आदि पहाड-पर्वते समेतं भगवान अर्हत सम्यक् सम्बुद्ध यागु धर्म-शिक्षान्यंकनं न्यना चोंगु खः । थन यापिं जनतापिं ह्यापां नसेहे धर्म-प्रेमी पिं खः । भारत पाखे धर्म लोप जुया वनं हेनं नेपाल या धर्म-प्रिय जनता पिसं थःगु धर्म मतोतू, थुकिया निर्मित साग संसार या बौद्ध पिसं भ्नीभ्नी नेपाली भाई पित्तः धर्म प्रेम यागु प्रशंसा यानाच्चन ।

थुगु पुस्तक मूल जा हिन्दी भाषां च्वया तःगु जुयाच्चन । सुं नेपाली बन्धु पिनिगु आग्रह नं थुगु पुस्तक नेवाभाषां अनुवाद याकागु जुल । थ्व अनुवाद यायगुली प्रज्ञाचैत्य महाविहार या संस्थापक श्री महाप्रज्ञा भिक्षुं अत्यन्त परिश्रम यानाबिज्यात । अतः जि थःगु पाखें तथा महाबोधि सभा या पाखें वस्पोल यातः अनेक धन्देवाद बियागु जुल ।

नेवा इष्ट-मित्र पिनि लाभार्थ महाबोधि सभां थुगु पुस्तक छापेयाका । सभा या विचार गुजागुदु धासा 'उगु नेवाभाषां मेगु नं पुस्तक छापेयाके' । तर थुगु अनतक सम्भव दु कि गनतक धर्मप्रेमी नेवा भाई पिसं नं थुगु पुस्तक यातः अत्यधिक स्वागत याई । आशा दु कि अनेक समर्थ धर्मप्रेमी पिसं थुगु सुन्दर पुस्तक यातः आपालं हे सजन पिसं क्रय (न्यायगु) याना, थःथः असमर्थ पिं भाई पित्तः तक नं ध्यंका बियू ।

मूलगंधकुटी विहार
सारनाथ
वैशाख पूर्णिमा २४८५ बु० सं०

सुमन वात्स्यायन

विषय-सूची

थः गु खँ	
वन्दना या प्रयोजन	१
बुद्ध-वन्दना (पालि)	१
धर्म-वन्दना (पालि)	१
संघ-वन्दना (पालि)	२
विशेष-वन्दना (पालि)	३
बुद्धगुण-भावना (पालि)	३
बुद्ध-वन्दना या अर्थ	४
धर्म-वन्दना या अर्थ	१०
संघ-वन्दना या अर्थ	१२
विशेष-वन्दना या अर्थ	१७
त्रिचैत्य-वन्दना (पालि-नेवारी)	१८
बोधि-वन्दना (पालि)	१८
दशस्तूप-वन्दना (पालि-नेवारी)	२०
पूजा या प्रयोजन	२१
पुष्प-पूजा	२३
पुष्प-पूजा व अनित्य भावना	२३
धूप-पूजा	२५
प्रदीप-पूजा	२५
आहार-पूजा	२५
क्षमा-याचना	२६

THIS BOOK / JOURNAL IS DONATED

BY

DATE

**TO BOGGHYANA LIBRARY --Run By
MANGAS BUDHA BOGGHYANA FOUNDATION
Bhoggiyana Road, Kimdol, Swayambhu,
Kathmandu Nepal.**

Dhamma.Digital

वन्दना या प्रयोजन

परम पवित्र त्रिरत्न यातः वन्दना याय्गु या उद्देश्यञ्चु !, भीसं वन्दना याना भंगवान बुद्धयाके छुं याचना नं याःला ? छु भीसं वन्दना यानागु लिं खुशी जुया वस्योलं भीतः धन-दौलत वीला ? मखु थुगु कथं मखु । वन्दना या उद्देश्य त्रिरत्न या गुण यागु स्मरण याय्गु खः । बुद्ध धर्म एवं सङ्घ पिनिगु गुणानुवाद याय् वं भीतः आपालंहे फायदा दु । वस्योल पिनिगु गुण स्मरण यात धाःसा भीगु हृदय पवित्र जुई । भीसं वस्योलः पिनिगु उपदेश यातः स्मरण याना, उकेयागु अनुसारं चर्यायाइम्ह यातः सन्नेष्ट्र जुई । संसार या आकर्षणः काम, क्रोध, लोभ, मोह स विजय प्राप्त याय् या निर्मित भीगु हृदये उत्साह जुयावई । हानं भीपिं पुण्य कर्म याय्तः अग्रसर एवं पापकर्म यायगुलि विमुख जुइ फई ।

गुम्ह ब्यक्ति सत्यमार्गं तोता तापाक च्यनी, गुम्ह सैं मिथ्या यातः सत्य भालपा जुई उम्ह सयागु भ्रम दूर याय या निर्मित वन्दना याय्गु मदेक हे मगा । मनुष्य या चित्त अनेक पाप कर्म लंगेजुया मलिन जुयावनी । बुद्ध, धर्म व सङ्घ गुण यातः स्मरण याना (= लुमंका) मानव चित्त यागु । दाग नष्ट जुया भिं भिंगु कर्मयातः सम्पादन याय्गु प्रेरणा जुई ।

थुगु दुःखमय संसारं मुक्त जुयावनेतः पुण्य कर्म याय्गु हे उत्तम जुयाच्चन । पुण्य कर्म मयासैं चित्त यातः परिशुद्ध ज्वीगु असम्भव । साधारण जन पिसं मन यातः निर्मल याय्या निर्मित सरल उपाय यागु हे अवलम्बन याय् माः । 'त्रिरत्न वन्दना व पूजा' धैगु अत्यन्त उपयोगी

खः । धुके यातः छगू साधारण उपासक व उपासिका पिसं नं सरल भावं याग् फुगु खः ।

सकल गृहस्थ पिसं सुधे सूर्य उदय मजुवं दनेगु । नित्यकर्म यानाली सत्तिक दुगु छगू विहारे वना त्रिरत्न-वन्दना व पूजा याना, विहार या भिन्तु पित्तः वन्दना याना स्वगृहे ल्याहाँ वया धःथःगु कार्य कमें लगे जुयगु । यदि विहार तापाना अथवा छुं कार्यवश वनेमफुत धाःसा स्वगृहे हे जूसां वन्दना व पूजा याय्गु । प्रत्येक या गृहे वन्दना याय्तः बुद्ध मूर्ति वा तस्वीर आवश्यक जुयाच्चन । प्रथम पूजाया सामाग्नि-धूप-दीप-पुष्प आदिं पूजा याना हानं पुचलिं फेटुना श्वंगू वार 'नमो तस्स भगवतो अरहतो सम्मा सम्भुद्धस्स' धका व्वनेगु । थनंली बुद्ध धर्म व सङ्घ यागु वन्दना याय्गु । यदि फत धाःसा वन्दना व पूजा थपिं पालि भाषां याय्गु असल् । तर सुधां थें म्हुटुं जक व्वनेगु मखु, बांलाक श्रद्धा चित्त याना मनं मनं अर्थ नं ल्तीका याय्गु उत्तम ।

त्रिरत्न-वन्दना व पूजा प्रत्येक उपासक व उपासिका पित्तः दैनिक कर्म खः । अतः सर्वोत्तम ध्व खः कि मचां नसें हे धःथः मचातेतः वन्दना यागु मंत्र मुखस्थयाका तेमागु खः । मचा वले यागु अभ्यास अधिक दढ जुया च्वनी ।

दान, शील, व भावना आदि यागु व्याख्या ध्वहे पुस्तक या दूसरा भागे वर्णन जुई ।

पूजा-विधि

नमो तस्स भगवतो अरहतो सम्मा सम्बुद्धस्स ।
वसपोल अर्हत् सम्यक् सम्बुद्ध भगवान् यात नमस्कार (याना) ।

बुद्ध-वन्दना

इति पि सो भगवा अरहं सम्मासम्बुद्धो विज्जाचरण-
सम्पन्नो सुगतो लोकविदू अनुत्तरो पुरिसदम्मसारथी सत्था
देवमनुस्सानं बुद्धो भगवाति ।

बुद्धं जिवितपरियन्तं सरणं गच्छामि ।
ये च बुद्धा अतीता च ये च बुद्धा अनागता,
पञ्चुप्पन्ना च ये बुद्धा, अहं वन्दामि सम्बुद्धा ।
नत्थि मे सरणं अञ्जं, बुद्धो मे सरणं वरं,
पत्तेन सम्बवज्जेन होतु मे जयमङ्गलं ।
उत्तमङ्गेन चन्देहं पादपंसु वरुत्तामं,
बुद्धे यो खलितो दोसो, बुद्धो खमतु तं ममं ।

धम्म-वन्दना

स्वाक्खातो भगवता धम्मो सन्दिट्टिको, अकालिको,
पहिपत्तिसको ओपनयिको पञ्चरं वेदितम्भो विञ्जूहीति ।

धम्मं जीवितपरियन्तं सरणं गच्छामि ।
 ये च धम्मा अतीता च ये च धम्मा अनागता,
 पच्चुप्पन्ना च ये धम्मा, अहं वन्दामि सम्बदा ।
 नत्थि मे सरणं अरुवं, धम्मो मे सरणं वरं,
 एतेन सम्भवज्जेन होतु मे जयमङ्गलं ।
 उत्तमङ्गेन वन्देहं, धम्मञ्च तिविधं वरं,
 धम्मे यो खलितो दोसो, धम्मो खमतु तं ममं ।

संघ-वन्दना

सुपटिपन्नो भगवतो सावकसङ्घो, उजुपटिपन्नो भगवतो
 सावकसङ्घो, व्यापटिपन्नो भगवतो सावकसङ्घो, सामीचि-
 पटिपन्नो भगवतो सावकसङ्घो, यदिदं चत्तारि पुरिसयुगानि
 अट्टपुरिस पुग्गला, णस भगवतो सावकसङ्घो आहुनेय्यो,
 पाहुनेय्यो, दक्खिनेय्यो, अञ्जलि-करणीयो, अनुत्तरं पुञ्जकखेत्तं
 लोकस्साति ।

सङ्घं जीवितपरियन्तं सरणं गच्छामि ।
 ये च सङ्घा अतीता च ये च सङ्घा अनागता,
 पच्चुप्पन्ना च ये सङ्घा, अहं वन्दामि सम्बदा ।
 नत्थि मे सरणं अरुवं, सङ्घो मे सरणं वरं,
 एतेन सम्भवज्जेन होतु मे जयमङ्गलं ।
 उत्तमङ्गेन वन्देहं, सङ्घञ्च तिविधोत्तमं ।
 सङ्घे यो खलितो दोसो, सङ्घो खमतु तं ममं ।

विशेष-वन्दना

बुद्ध धम्मा च पच्चेकबुद्ध सङ्गा च सामिका,
दासो वा हस्मि मे तेसं गुणं ठातु सिरं सदा ॥ १ ॥
तिसरणं तिलक्खणुपेक्खं निब्बाणमन्तिमं,
सुवन्दे सिरसा निब्बं लभामि तिविधामहं ॥ २ ॥
तिसरणं च सिरं ठातु सिरं ठातु तिलक्खनं,
उपेक्खा च सिरं ठातु निब्बाणं ठातु मे सिरं ॥ ३ ॥
बुद्धे सकरुणे वन्दे धम्मे पच्चेक सम्बुद्धे,
सङ्गे च सिरसा येव तिधा निब्बं नमाम्यहं ॥ ४ ॥
नमामि सत्थुनोवादप्पमाद वचनन्तिमं
सब्बेपि चेतिये वन्दे उपज्जावरिये ममं
मह्यं पणाम तेजेन चिरां पापेहि मुच्चतं'ति ॥ ५ ॥

Dhamma.Digital
बुद्ध या गुता गुण या भावना

- (१) सो भगवा इतिपि अरहं ।
- (२) सो भगवा इतिपि सम्मा-सम्बुद्धो ।
- (३) सो भगवा इतिपि विज्जावरणसम्पन्नो ।
- (४) सो भगवा इतिपि सुगतो ।
- (५) सो भगवा इतिपि लोकविदु ।
- (६) सो भगवा इतिपि अनुच्चरो पुरिसदम्मसारथी ।
- (७) सो भगवा इतिपि सत्थादेवमनुस्सानं ।

(८) सो भगवा इतिपि बुद्धो ।

(९) सो भगवा इतिपि भगवा ।

बुद्ध-वन्दना या अर्थ

वसपोल भगवान् अर्हत् सम्यक्-सम्बुद्ध, विद्या तथा आचरणं सम्पन्न, सुगत, लोकविद्, अनुत्तर, पुरुष दम्य-सारथी, देव मनुष्य पीं सकल या शास्ता, बुद्ध व भगवान् खः ।

विस्तार

अरहं :—दया-चक्व शत्रु (=अरि) दूर-स्थित ज्वीधुंकःह खः । तसर्थ—‘अरहं’ धका धाई । दान या सुपात्र जुया-विज्याकःह खः । उकिया निम्ति नं ‘अरहं’ धका, धाई । वसपोलं गुतरूपं छुं हे पाप कम्म याना विज्याई हे मखु । उकिया निम्ति नं, ‘अरहं’ धका धाई ।

गाथा

धम्मा रागादि सङ्गाता सब्बेपि अरयेो हता.

पञ्जा सत्थेन नाथेन तस्मा’ ति ‘अरहं’ मतो ।

वसपोल लोकनाथ बुद्ध भगवानं प्रज्ञा अरु द्वारा राग-द्वेष-मोह-आदि शत्रु पित्त नाश याना विज्यात । उकिया निम्ति, वसपोल यात ‘अर्हत्’ धया तःगु खः ।

श्वंगु लोके भगवान् बुद्ध या सिनं श्रेष्ठ, देवता वा मनुष्य सुं हे मद्दु ।
 वसपोल हे छह मात्र प्रथम पूजा फये योग्य ह्य पुरुष खः—“उप्पन्ने
 तथागते ये केचि महे-सक्खा देव-मनुस्सा न ते अञ्जत्थ पूजं
 करोन्ति ।” अर्थात् तथागत बुद्ध भगवान् संसारे उत्पन्न ज्वीवं प्रभाव-
 शाली देवता व मनुष्य पिसं सुनं हे मेपिन्त स्वेत नं पूजा याई मखु ।

सम्मा सम्बुद्धो :—(सम्यक् सम्बुद्ध) सम्यक् प्रकारं स्वयं
 (सुं हे गुरु म्वाक) चतुरार्य्यसत्य यात सीका विज्यात । उकिया
 निर्मित्ति, ‘सम्यक् सम्बुद्ध’ धका धाई । वसपोल बुद्ध भगवान् आशा जुया-
 विज्यात कि :—

**अभिञ्जेय्यं अभिञ्जातं, भावेतब्बच्च भावितं,
 पहातब्बं पहीनं मे, तस्मा बुद्धोस्मि ब्राह्मण ।**

हे ब्राह्मण ! जि गुगु खः सीके योग्यगु, उगुयात सीका कया, गुगु खः
 भावना याय् योग्यगु, उगुयात भावना याना कया । हानं गुगु खः त्याग
 याय् योग्यगु, उगु यात त्याग याना बिया । उकिया निर्मित्ति, जि बुद्ध खः ।
 (सम्यक् शब्द या अर्थ—‘बांलाक’, ठिक्क ज्वीक) ।

विज्ञावरण सम्पन्नो :—(विद्या-चरण-सम्पन्न) विद्या व
 आचरणं सम्पन्न (युक्त) जुया विज्याकःह्य खः । विद्या धैगु ‘गनं गनं
 श्वता, गनं गनं च्याता’ धया तल । यथा :—

त्रिविद्या :—

(१) **पुब्बेनिवासानुस्सति ज्ञानं**—पूर्वजन्मे गन गन जन्म
 जूगु खः—शुकि या ज्ञान ।

(२) सत्तानं चुतूपपात-आनं—प्राणी पिनि जन्म व मरण
या ज्ञान ।

(३) आसवकखय-आनं—आश्रव (मलतृष्णा) क्षय या ज्ञान ।
अष्टविद्याः—

(१) विपस्सना आनं—विदर्शन ज्ञान ।

(२) मनोमय-इद्धि—मनोमय ऋद्धिज्ञान ।

(३) इद्धि-विज्जा—अनेक प्रकार या ऋद्धि यागु ज्ञान ।

(४) दिब्ब-सोतं—दिव्यश्रोत ।

(५) परचित्त-विजानन-आनं—परचित्त यागु खँ सीकेगु ज्ञान ।

(६) पुब्बे-निवासानुस्सति-आनं—‘पूर्वजन्मे गन गन जन्म
कयागु खः’ धका सीकेगु ज्ञान ।

(७) चुतूपपात-आनं—उत्पत्ति व विनाश या ज्ञान ।

(८) आसवकखय-आनं—चित्त मल यात क्षय यागुः ज्ञान ।

आचरणः—

शील-संवर, इन्द्रिय या रक्षा, भोजने उचित मात्रा यात सीकेगु,
जागरण-शील जीवगु, श्रद्धा, लज्जा, भय, बहु-श्रुति, वीर्य्य, स्मृति व प्रसा
तथा प्यता प्रकार या रूपावचर ध्यान समेतं जम्मा १५ भीं-न्याता प्रकार या
आचरण धयातल । भगवान बुद्ध—ध्वहे ११ भिच्छता प्रकार या विद्या
व १५ भीं-न्याता प्रकार या आचरणं युक्त जुया विज्याकःगु या निमित्त
“विद्याचरण सम्पन्न” धका धयातल ।

सुगतो :—(सुगत) योग्यगु स्थाने गमन याना विज्याकःह जूया निर्मित्ति, व सम्यक्-रूपं निर्वाणे आरूढ जुया विज्याकःह जूया निर्मित्ति, भगवान बुद्धयात 'सुगत' धका धयातल । यथा :—

“सोतापत्तिमग्गेन ये किलेसा पहीना, ते किलेसा न पुनेति, न पच्चेति नपच्चागच्छतीति 'सुगतो”

अर्थ

अर्थात् स्रोतापत्ति मार्ग द्वारा गुम्हसिया चित्तमल (किलेस) दक्क-फुक नष्ट जुयावने धुंकल, हानं उम्हसिया चित्तमल पुनः उत्पन्न ज्वीगु मखु त, उकिया निर्मित्ति, वसपोल 'सुगत' खः । थुगु हे प्रकारं—सकृदागामि, अनागामि एवं अर्हत् मार्गद्वारा गुम्हसें जन्मयागु मूल तृष्णा यात नारा-याना विल, उकियानिर्मित्ति वसपोल 'सुगत' खः । 'सु' शब्द शोभनार्थ अर्थात् सुन्दर वचन खः । असुन्दर गुगु खः दुक्ख-जनक संस्कार-समूह जुया च्वंगु, उगु संस्कारं हीन जुयाच्वंगु गुगु खः एकान्त परम सुख निर्वाण यात प्राप्त याना कयाविज्याय् धुंकम्हः जूया निर्मित्ति, वसपोल बुद्ध भगवान 'सुगत' खः ।

लोकविद् :—(लोकविद् = लोकज्ञ) दुक्ख स्वरूप पञ्चस्कन्ध लोक या बारे सिया विज्याकःह, स्कन्ध लोकोत्पत्ति या हेतु तृष्णादि या समुदय यात सिया विज्याकःह, उमिगु निरोध यात नं सिया विज्याकःह, हानं निरोध या उपाय यात नं सिया विज्याकःह खः । उकिया निर्मित्ति, वसपोल बुद्ध भगवान यात 'लोकविद्' धका धाई ।

अनुत्तरो पुरिस-दम्भसारथी :—(अनुत्तर पुरुष दमनकारी सारथी) शील-समाधि-प्रज्ञा-विमुक्ति-विमुक्तिज्ञान दर्शन आदि गुणो गुम्हसिया समान मेपीं मुंहे मदु, उम्ह सित 'अनुत्तर' धाई ।

“न मे आवरियो अत्थि सदिसो मे न विज्जति”

अर्थात् जिगु सुंहे गुरु :—मरु, हानं न जि-समान मेपीं सुं दुगु खः । उम्ह सैं अदान्त (=अदमनीय) यात दमन यात । यथा—अपलोल नागराजा, चूलोदर, धनपाल किशि आदि जनावर पिन्त, एवं सच्चक निगरठनाथपुत्त, अम्बट्टु माणवक, पोक्खर सात्ति, सोणदण्ड आदि मनुष्यपिन्त तथा थुगुहे प्रकारं अनेक यत्तादि अमनुष्यपिन्त नं दमन याना विज्यात । वसपोलं अदान्त व अविनीत प्राणीपिन्त दमन यासे, शान्त निर्वाण या अभिमुख याना विज्यात । उकिया निम्ति, वसपोल बुद्ध भगवान यात 'पुरुष दमनकारी सारथी' धका धयातल ।

सत्थादेवमनुस्सानं :—(देव व मनुष्यपिनि शास्ता) गथे सुं गाड़ी-वानं ग्यानापुगु व खतरा दुगुथासे सावधानीपूर्वक गाड़ी पार लगेयाई अर्थात् गाड़ी यात खतरा मज्जीकथं उपाय याई, अथे हे भगवान बुद्धं नं थुगु दुक्खमय थुगु आवागमन रूपी भीषण जङ्गलं, देव मनुष्य आदि सकल प्राणीपीं पार लगे ज्वीगु उपाय उपदेश याना विज्याईह्ल जूया निम्ति, “शास्ता” धका धाई ।

बुद्धो :—(बुद्ध) गुगु प्रकारं सीक्य मागु खः, उगु हे प्रकारं **आर्य्यसत्थ** यात सीका विज्यागु या निम्ति 'बुद्ध' धका धाई । बुद्धिमान पिन्त बोधयाना विज्याकःह्ल जूया निम्ति 'बुद्ध' धका धाई । सर्वधम्म

यात सिया बिज्याकःह जूया निम्ति वा सीकेगु बुद्धि दुह्न जूया निम्ति 'बुद्ध' धका धाई । सुं हे गुरु म्वाक स्वयँ ज्ञान प्राप्त याना बिज्याकःह जूया निम्ति 'बुद्ध' धका धाई । थुगु 'नाम' सुंहे कुटुम्ब सम्बन्धी वा सुं देवता अथवा मनुष्य पिसं ब्यूगु नाम मखु । थ्व जा बोधिचूत्त या मूले बुद्धत्व यात साक्षात् याना प्राप्त याना बिज्यागु नाम खः ।

भगवान् :—(भगवान्) दयाच्चक मनुष्यपिनि मध्ये श्रेष्ठ व उत्तम गुरु जुया बिज्याकः गु जूया निम्ति 'भगवान्' धका धाल । चीवरादि प्यता प्रकार या प्रत्यय व विमुक्ति रस या भागी जुया बिज्याकःगु या निम्ति 'भगवान्' धका धाल । कुशलाकुशल धर्म यात विभक्त याय्गु समर्थ दया बिज्याकःह जूया निम्ति 'भगवान्' धका धाल । कामरागादि पाप स्वभाव यातः भग्न याना बिज्याकःह जूया निम्ति 'भगवान्' धका धाल । धयातल कि—

**भग्गरागो भग्गदोसो भग्गमोहो अनासवो,
भग्गस्स पापका धम्मा भगवा तेन बुच्चति ।**

अर्थात् गुह्यसँ राग-द्वेष-मोह यात भग्न (नष्ट) याना बिल, गुह्यसिया पाप धर्म नष्ट जुया वन, थुगुप्रकार याह निष्पाप पुरुष यातः 'भगवान्' धका धाई ।

थुगु प्रकारं अनेक गुह्यं सम्पन्न जुया बिज्याकःह बुद्ध भगवान् याके जि जीवन पर्यन्त शरण वने । न्हापा अतीत काले गुलि बुद्ध जुया बिज्याय् धुँकल, लिपा भविष्यत् काले गुलि बुद्ध जुया बिज्याईपीं दुनी, हानं वर्तमान रूपे गुलि बुद्ध पीं दुगु खः, जि वसपोलपीं सकल यात काय-वचन व मनं सर्वदा वन्दना याना । जित शरण मेपीं सुनं मरु,

‘बुद्ध भगवान् क्वम्ह मात्र जित श्रेष्ठ शरणं दु’ थुगु सत्य वचन यागु प्रभावं जित जय-मङ्गल ज्वीमाः । पाप-मल-हीन सर्वज्ञ बुद्ध यागु पद-रज शिरे तथा जिं वसपोल यात वन्दना याना । बुद्ध भगवान् या प्रति अज्ञानता-वश यदि जिं ह्नुं दोष याना तथागु दुसा, उगु दोष, बुद्ध-भगवानं क्षमा याना विज्याहुँ ।

बुद्ध-वन्दना या अर्थ समाप्त

धर्म-वन्दना या अर्थ

स्वाक्खातो धम्मो :—(सु-व्याख्यात धर्म) धर्म श्वता प्रकार या दुगु जुल—(१) परियत्ति, (२) पट्टिपत्ति, व (३) पट्टिबेध । बुद्ध वचन अर्थात् त्रिपिटक, थुपीं ‘परियत्ति’ धर्म खः । धुताङ्ग, खग्धकव्रत व महाव्रत, थुपीं ‘पट्टिपत्ति’ धर्म खः । हानं प्यता प्रकार या आर्य्य मार्ग व प्यता प्रकार या फल थुपीं ‘पट्टिबेध’ धर्म खः । थन (सु + आक्खातो) ‘सुन्दर रूपं व्याख्यात’ धर्म या मतलव परियत्ति धर्म अर्थात् त्रिपिटक जुया-च्चन ।

सन्दिट्ठिको :—(स्वयं द्रष्टव्य) थुजागु धर्म गुम्हसैं स्वयं दर्शन याय फ्यू । आर्य्य अष्टाङ्गिक मार्ग यात खंकेगु । राग, द्वेष व मोह इत्यादि पाप यात गुम्हसैं तोता बिल, उम्हसैं हे थुगु धर्म यात स्वयम् दर्शन याय फ्यू । उकिया निम्ति ‘सन्दिट्ठिको = स्वयम् दर्शनीय’ धका धयातल ।

एहि-पस्सिको :—(वया स्ववा) थुगु धर्म थुगु प्रकारं प्रवर्त्तन यानातःगु खः 'धन वया स्व' धका धाय्तः उपयुक्त जुया च्वंगु या निम्ति थुगु धर्म 'एहि पस्सिको' खः ।

थुगु धर्म या विषयले थुगु प्रकारं पुकारे याना छाया धयातल ! धाःसा—ध्व गुगु खः छुं काल्पनिक वस्तु मखु । ध्व जा परिशुद्ध धर्म खः, गुह्य सिया मुट्टी दुने छुं मंत धाःसा, उम्हसें गुबलेंहे थये धाईमखु कि—“जिगु मुट्टी दुने सुवर्ण वा हीरा अथवा मेगु छुं चीज दु, का वा स्ववा” धका धाय पैमखु । छाया धाःसा, उम्हसिया मुट्टी दुने छुंहे दुगु मखु । छुं अपरिशुद्ध गु वस्तु ज्वना नं—सुं मेपिन्तः 'ध्व स्व !' धका धाई मखु । निर्मल गु आकाशे पूर्ण चन्द्र या समानं थुगु धर्म निर्मल व परिशुद्ध गु खः । उकिया निम्ति, थुगु धर्म यात 'एहि पस्सिको'..... धका धयातल ।

ओपनयिको :—आर्य्य अष्टाङ्गिक मार्ग, गुगु खः निर्वाण या पाखे यकैगु जूया निम्ति 'ओपनयिको' धका धाल । निर्वाण या पाखे अग्रसर याकैगु जूया निम्ति 'ओपनयिको' धका धया तल ।

पञ्चत्तं वेदितब्बो विञ्जूहि :—(विज्ञ पुरूप पिसं स्वयम् सीका काय् योग्यगु) थुगु लोकोत्तर धर्म विज्ञ (= ज्ञानी) पुरूपपिसं स्वयम् सीका काय् फईगु खः । उकिया निम्ति 'वेदितब्बां विञ्जूहि' धका धया तल ।

[बाक्की गु व्याख्या बुद्ध-वन्दना या समानं हे सीका काये माल । सिर्फ 'बुद्ध' धाय् गु थासे 'धर्म', व 'बुद्ध पद्-रज' या थासे 'न्यिता प्रकार या श्रेष्ठ धर्मयात वन्दना याना' थुगु प्रकारं सीका काये माल] ।

सङ्घ-वन्दना या अर्थ

भगवान् बुद्ध या श्रावक सङ्घ (सु प्रतिपन्न) खः; ऋजु प्रतिपन्न खः; न्याय (यथार्थ) प्रतिपन्न खः; हानं उपयुक्त प्रतिपन्न खः ।

सुप्रतिपन्नो :—(सु प्रतिपन्न) गुह्य व्यक्ति गुगु मार्गं लिना वनी, उम्ह व्यक्ति यात—उगुमार्गं या प्रतिपन्न धका धाई । यदि उगु मार्गं 'सु' (उत्तम) गु खःसा, वेत 'सुमार्ग-प्रतिपन्न' धका धाई । भगवान् बुद्ध या शिष्यपीं सकलें सुमार्ग-प्रतिपन्न जूगु या निम्ति वसपोल या सङ्घ पित्त 'सुप्रतिपन्नो' धका धाल । छा्य् धाःसा, वसपोल या अनुचर अर्थात् भिक्षुसङ्घ पीं वहे मार्गं प्राप्त याना वनी पीं खः । वसपोलं गुगु कना विज्यात, उगु मार्गं निर्वाण या पाखे यंकैगु खः, उकिया निम्ति उत्तम गु खः । थुजोगु सुमार्गं थौं तक मेगु आविष्कृत मजूती । गुम्ह व्यक्ति थुगु श्रेष्ठमार्गं यात अवलम्बन याना निर्वाण पाखे वना-व्वन, उह सितः हे 'सुमार्ग प्रतिपन्न' धका धाल । 'सुमार्ग-प्रतिपन्न' शब्द यात हे संक्षिप्त रूपं याना 'सुप्रतिपन्न' (=सु प्रतिपन्नो) धका धया तल ।

सावक-सङ्घो :—(श्रावक सङ्घ) शिष्यगण । ओवादानुसासनिं सङ्घं सुनन्ति इति सावका, साकानं सङ्घो सावकसङ्घो । अर्थात् गुह्य सें भगवान् बुद्ध यागु उपदेश व अनुशासन यात आलाक न्यना

काई, उह 'श्रावक', हानं वहे श्रावक पिनि सङ्घ जमात या नाम 'सावक-सङ्घो' अर्थात् 'श्रावक-सङ्घ' धका धाई ।

'उजुपटिपन्नो':—(ऋजु प्रतिपन्न) भगवान् बुद्धं उपदेश याना बिज्यागु आर्यं अष्टाङ्गिक मार्गं ऋजु अर्थात् तप्यंगु या निमित्त 'ऋजुप्रतिपन्न' धका धया तल । छुं निर्दिष्ट स्थाने ध्यंकः वनेतः तप्यंगु मार्गं हे जकं उपयुक्त जुई । थुगु हे प्रकारं थुगु आर्यं मार्गं हे निर्वाण तक ध्यंकेतः उपयुक्त मार्गं खः; थ्वहे दकेसिन्ने सहज मार्गं खः । उकिया निमित्त भगवान् या श्रावक-सङ्घ 'उजु-पटिपन्नो' अर्थात् तप्यंगु मार्गं प्रतिपन्न धका धयातल ।

मध्यम मार्गया अनुगमन याना शास्वतं उच्छेद न्यगु अन्त यात तोता, काय-वाक-मन-या वक्रता (=कपट) यात परित्याग याना तप्यंगु मार्गं प्रतिपन्न जूगु या निमित्त 'उजु-पटिपन्नो' = (ऋजु-प्रतिपन्न) धका धयातल ।

जायपटिपन्नो:—(न्यायप्रतिपन्न) जाय धैगु या अर्थ (ठिक, यथार्थ) । आर्यं-अष्टाङ्गिक मार्गं हे निर्वाण लाभ यायूतः यथार्थगु मार्गं खः । उकिया निमित्त गुम्ह थुगु यथार्थ मार्गं या अवलम्बन याना (=ज्वना) निर्वाण या पाखे अग्रसर जुल, वहे 'जाय-पटिपन्नो' अर्थात् 'यथार्थमार्गं प्रतिपन्न' म्ह खः ।

सामीचिपटिपन्नो:—(समीचीन =सच्चा प्रतिपन्न) भगवान् या श्रावक सङ्घ समीचीन, यथार्थ, उपयुक्त वा उत्तम प्रतिपदा (मार्ग) प्रतिपन्न जूगु या निमित्त 'सामीचि-पटिपन्नो' धका धयातल ।

यदिदं चत्वारि पुरिसयुगानि अट्ट पुरिस पुग्गला :—
 (उपरोक्त 'सुपटिपन्नो' आदि वाक्यसमूह द्वारा गुगु खः सङ्घ पिनिगु गुण वर्णना याना वयागु खः, थन वैतः हे च्याम्ह अर्थात् प्यंगु जोड़ा याना विभक्त याना तल) । भगवान् बुद्ध या आर्य्य श्रावक पीं प्यता प्रकार या श्रेणी स विभक्त (= छुट्टे) जुया च्चन । यथा—(१) स्रोतापन्न, (२) सकुदागामी, (३) अनागामी, (४) अर्हत् । मार्ग व फल या भेदं प्यंगुलीसं न्यिता न्यता भेद जुल । यथा :—(१) स्रोतापत्ति मार्ग-लाभी; (२) स्रोतापत्ति फल-लाभी; (३) सकुदागामी मार्गलाभी; (४) सकुदागामी फल-लाभी; (५) अनागामी मार्गलाभी; (६) अनागामी फल-लाभी; (७) अर्हत् मार्ग-लाभी; (८) अर्हत् फललाभी । पृथक् गणना यात धाःसा भगवान् या श्रावकसङ्घ स थ्वहे च्याता श्रेणी या पुरूप दुगु जुल । थ्वहे मार्ग व फल यात जोड़ा माने यात धाःसा प्यंगू जोड़ा जुई ।

आहुनेय्यो :—(आह्वान योग्य) भगवान् बुद्ध या श्रावक सङ्घ पीं आहुति अर्थात् चीवर, पिण्डपात, शय्यासन व प्रत्यय (वासः-भैषज्य) तथा विहारदि दान ग्रहण याय्तः योग्य पात्र जूया निमित्तं 'आहुनेय्यो' धका धया तल ।

अथवा मेह् हे गुगु खः आह्वान याना निमन्त्रित याना हया पूजा याय् योग्य पीं खः, वसपोल हे आहुनेय्यो' खः । देवराज इन्द्रादि पिसं नं आह्वान याय् योग्य अर्थात् निमन्त्रित याय् योग्य जूया निमित्तं भगवान् या शिष्य-सङ्घ पीं 'आहुनेय्यो' खः ।

ब्राह्मण पिनि अग्नि आह्वनीय (पूजनीय) खः । अमिसं उके वृतादि द्वारा आहुति याई । परं थुजागु आहुति व पूजां महाफल लाभ ज्वी मखु । उगु पूजां लाभ ज्वीगु मखु । महाफल लाभ याय्तः जा केवल भगवान् बुद्ध या श्रावक-सङ्घ हे जकं उपयुक्त जुयाच्चन । सङ्घ यात वियागु दान गुबलें हे निष्फल ज्वी मखु । उकिया निमित्तं श्रावक-सङ्घ पीं 'आहुनेय्यो' अर्थात् पूजा याय् योग्य, दान बी योग्य धका धया तल । भगवान् धम्मपद सहस्स वग्गे आशा जुया विज्यागु दुः—

गाथा

यो च वस्ससतं जन्तु अग्निं परिचरे वने ।
एकं च भावित्तानं मुहुत्तमपि पूजये ॥
सा येव पूजना सेय्यो यं चे वस्ससतं हुतं ।

Dhamma अर्थ-Digital

छुम्ह मनुष्यं शच्छि, देँ तक वने यज्ञ याय्ब्यु, हानं मेम्ह छुम्ह मनुष्यँ छुं परिशुद्ध मन जुया च्वम्ह यात मुहूर्त्त भर जक सत्कार यात धाःसा नं, शच्छि देँ यज्ञ याम्ह सिया सिनं वहे मुहूर्त्त भर या पूजा हे श्रेष्ठ जुया च्वन ।

पाहुनेय्यो :—पाहुना या अर्थ गथे धाःसा गनं तापाकं मेथासं ध्यंकः वोम्ह प्रिय मित्र, जाति-बन्धु । उम्ह ध्यंक : वोम्ह व्यक्ति यात बिय् गु वस्तु 'पाहुनक' खः । अर्थात् गथे सुं दूर देशं आगत प्रिय जन यात

लोकजनं प्रेम एवं श्रद्धा पूर्वकं संचित उपयुक्त वस्तु या पात्र धका भालपी । अथे हे भगवान् या श्रावक सङ्घ पीं नं प्रेम एवं श्रद्धा पूर्वकं उपयुक्त संचित वस्तु पीं ग्रहण यायतः दके सिवे श्रेष्ठ पात्र जग्गु या निमित्तं 'पाहुनेय्यो' धका धयातल ।

दक्षिणोय्यो—दक्षिणा ग्रहण याय् योग्य पीं 'परलोकं सह-हित्वा दातव्वं दानं' परजन पिसं परलोक या विश्वास याना, ब्यूग्गु दान यात ग्रहण याय् योग्य जुया विज्याकः या निमित्तं सङ्घ पीं 'दक्षिणोय्ये' धका धया तल ।

अञ्जलि करणीयो :—न्यपालाहातं नमस्कार याय् योग्य पीं जूया निमित्तं सङ्घ पीं 'अञ्जलि करणीयो' धका धयातल ।

अनुत्तरं पुञ्जाकखेत्तं लोकस्स :—(अनुत्तर पुण्यक्षेत्र) गथे धान्य, छेा, तछेा, आदि अन्न उत्पत्ति ज्वीतः उत्पत्ति ज्वीगु भूमि दयू, अथेहे मनुष्यपिनि पुण्य व पुण्य-वृद्धि यायतः नं 'बुँ' दु । भगवान् या श्रावक सङ्घ हे संसारे प्राणी पिनि पुण्य-वृद्धि यायगु सर्व श्रेष्ठ 'बुँ' स्वः । संसारे पुण्य वृद्धि याय् तः ध्व या सिनं उत्तम वा श्रेष्ठ क्षेत्र = बुँ वा पात्र मेगु मदुया निमित्तं ध्व या त—'अनुत्तरं पुञ्जाकखेत्तं लोकस्स' अर्थात् संसार या अनुत्तर पुण्यक्षेत्र धयातल । सङ्घयात आश्रय याना दान वीग्गं संसारे अनेक पुण्य लाभ याई ।

उपरोक्त कारणं हे 'पेतवस्थु' धयागु ग्रन्थे धया तल कि—

खेत्तूपमो अरहन्तो—दायका कस्सकूपमा,
बीजपमं देय्य-धम्मं एत्थ निव्वतते फलं ।

अर्थात् अर्हत् बुँ समान खः । दायक कृषक समान खः । गुगु खः
दान ब्यूगु, उगु वीज = पुसा समान खः, उकेहे फल सया वई ।
[वाकीगु थासे धम्म-वन्दना या धम्म या थासे सङ्खयाना काय् माल] ।

विशेष-वन्दना या अर्थ

- (१) सम्यक् सम्बुद्ध, पच्चेक (=प्रत्येक) बुद्ध, धम्म व सङ्ख जिह्म
स्वामी खः । जि वस्योल पिनि दास खः । वस्योल पिनिगु
गुणावली सर्वदा जिगु शिरे च्वनेमाः ।
- (२) त्रिशरण, त्रिलक्षण (=अनित्य, दुक्ख, अनात्मा), उपेक्षा
एवं निर्वाण यातः नित्य वन्दना याना । जि वस्योल त्रिशरण,
त्रिलक्षण, उपेक्षा व निर्वाण यात प्राप्त याय् फयेमाः ।
- (३) त्रिशरण, त्रिलक्षण, उपेक्षा व निर्वाण जिगु शिरे विराजमान ज्वीमाः ।
- (४) करुणावान बुद्धपिन्त, पच्चेक (=प्रत्येक) बुद्धपिन्त धम्म व
संघ पिन्त जि शिरं नमस्कार याना । हानं काय, वाक् व मन थुगु
श्वंगू द्वारं जि नित्य नमस्कार याना ।
- (५) भगवान् यागु अन्तिम वचन अप्रमाद (=जप्रतता द्वारा रहो)
(=दयाच्वंगु) यात नमस्कार याना । दयाच्वक चैत्य व थःह
उपाध्याय तथा आचार्य पिन्त नं वन्दना याना । जिगु थुगु प्रणाम
या प्रभाव-तेजं जिगु चित्त पापं मुक्त जुया वनेमाः ।

त्रिचैत्य-वन्दना

वन्दामि चेतियं सब्बं सब्बठानेसु पतिट्ठितं,
सारीरिक धातु महाबोधिं बुद्धरूपं सकलं सदा ।

त्रिचैत्य वन्दना या अर्थ

जि दक भनं स्थापित दयाच्चक चैत्यपीं, भगवान बुद्ध यागु शरीर
धातु, महाबोधि वृत्त व बुद्ध रूप आदि सकल यात सर्वदा वन्दना याना ।

बोधि-वन्दना

सत्था सुनिलायत नेत्तहारी, कन्तम्बुधारा निपतेन सिञ्च
पूजेसि तं सत्तदिनानि बोधिराजं विराजं सिरसा नमामि ॥१॥
मूले दुमिन्दस्स निसज्ज यस्स, धीरो सुबोधि वतुसच्चमगं ।
मारं जिनित्वा समरं मुनिन्दो, तं पादपिन्दं सिरसा नमामि ॥२॥
यस्स मूले निसिञ्चो' व सब्बारि विजयं अका,
पत्तो सब्बञ्जुतं सत्था वन्देतं बोधिपादपं ॥ ३ ॥
इमेहेते महाबोधि लोकनाथेन पूजितं ।
अहम्पि ते नमस्सामि बोधिराज नमत्थुते ॥ ४ ॥
इन्दनील वरणपत्त सेतखन्ध भासुरं ।
सत्थुनेत्त पङ्कजाभि पूजितग्ग सातदं ॥
अग्गबोधि नामवाम देवरुक्ख वरिणतं ।
तं विसाल बोधिपादपं नमामि सब्बदा ॥ ५ ॥

भावार्थ—गुगु खः बोधिराज (= बुद्धगया या उगु पीपल वृक्ष या मूले भगवानं बुद्धत्व प्राप्त याना विज्यात) यात शास्ता नं (= बुद्ध भगवानं) सुन्दर नील नेत्र यागु ध्यान दृष्टि रूपी जलधारं सींचे याना न्हसन्हु तक पूजा याना विज्यात, उगु श्रेष्ठ बोधिराज यात जिं शिरं वन्दना याना ॥ १ ॥

गुगु वृक्षराज या मूले विज्याना मुनीन्द्र भगवान बुद्धं ससैन्य मार यात परास्त याना चतुरार्यसत्य यात सीका विज्यात, वहे श्रेष्ठ वृक्ष यात जिं शिरं नमस्कार याना ॥ २ ॥

गुगु बोधिवृक्ष या मूले विज्याना शास्तानं मार यात त्याका एवं सर्वज्ञता प्राप्त याना विज्यागु खः उगु बोधिवृक्ष यात जिं वन्दना याना ॥ ३ ॥

थुगु महाबोधि (वृक्ष)—लोकनाथ बुद्ध भगवानं पूजायाना विज्यागु खः, जिं नं वहे बोधिवृक्ष यागु पूजा याना । हे बोधिराज ! छलपोल यात जिं नमस्कार याना ॥ ४ ॥

इन्द्रनील वर्ण पत्र व श्वेत शोभाविमण्डित कान्ति युक्त (धर) शास्ता या नेत्रं पूजा याना तःगु देववृक्ष धका वर्णन याना तःगु थुगु सुविशाल बोधिपादप (= वृक्ष) यातः जिं सदा वन्दना याना ।

ध्यानी गु नेत्रे गन ज्ञान खल,
त्याका विज्याना अन मार बल ।
बुद्धं स्वोगु पूजित बोधि मूल,
जिगु सदा नं सु-प्रणाम जुल ॥

“दशस्तूप-वन्दना”

एको थूपो राजगहे, एको वेसालिया पुरे,
एको कपिलवत्थुस्मिं, एको च अल्लकप्पके ।
एकोसि रामगामस्मिं, एको च वेठ दीपके,
एको पावेय्यकेमल्ले, एको च कुसीनारके ।
एते अट्ट महा थूपा, जम्बूदीपे पतिट्टिना,
पूजिता नरदेवेहि तेपि वन्दामि सन्बदा ॥

भावार्थ :—

उत्तरी भारतवर्ष या राजगृहे, वैशाली, कपिलवस्तुई, रामग्रामे, वेठदीपे,
पावेय्यक या मल्लराजे व कुशीनगरे—थुपी अष्ट स्थाने लुगः लुगः महाचैत्य
प्रतिष्ठित जुया च्वंगु दु, थ्व फुक महाचैत्य पित देवमनुष्य पिसं पूजा याना
तःगु खः । उगु दयाच्चक महाचैत्य पित्त जिंनं सर्वदा वन्दना याना ।

—

पूजा या प्रयोजन

मुनानं प्रश्न याय् कु कि—“भगवान् बुद्धं जानिवाणं प्राप्तं याना विज्जाय् धुं कल । हानं वस्पोलं यातः पूजायागुं आवाश्यकं लु दु !” थुगु प्रश्न टिग खः । तर भी सांसारिक जन पिनिगु हृदय स घोर अन्धकारं तोपुया तःगु दु । थुगु अज्ञान रूपी अन्धकार यातः मदेके या निमित्तं ज्ञान रूपी ज्योति आवाश्यकं जुल । ज्ञान या ज्योति-प्रकाश भीतः महापुरुषपिसं क्यना तःगु मार्गं वनाहे जक प्राप्तं जुई । मती महापुरुषपिंगु गुण यातः लुमंका उकेयागुं अनुसारं याय्गु दके उत्तमं जुयाच्वन । तर सकल याके थुजागु दैमखु । तसर्थं फल-फूल, धूप-दीप आदि पूजा-सामानं ज्वना गन उपासकोपासिकापिं भगवान् या पूजा यायूतः उपस्थितं जुई अन्न धात्थे हे अग्निं मती भगवान् अर्हत् सम्यक्-सम्बुद्धं यागु गुणं लुमना वई ।

प्राचीन काले महास्थविर नागसेन याके ग्रीक-देश या राजा मिलिन्दं (मिनाण्डरं) थुगु हे प्रकार यागु प्रश्न न्यंगु दु । उके या उत्तर-महास्थविरं आज्ञा जुया विज्जात—“भगवान् जा मुत्तं जुया विज्जाय् धुं कल खः । वस्पोलं आः सुयागुं पूजा यातः स्वीकारं वा अस्वीकारं गथे याना विज्जाई । देवता व मनुष्य पिसं भगवान् या शरीरं यागु भस्म रूपी रत्नं यागु पूजा यासे तथा वस्पोलं यागु उपदेश या अनुकूलं आचरणं यासे श्वताप्रकारं या सम्पत्तिं प्राप्तं यानाच्वन ।

सुं गुम्हेसैं अग्निं प्रज्वलितं याना लिपा हानं मिश्याना विल धाय् वं व गुगुखः गंगु तृणं, काष्ठं वा लुं च्याकेगु वस्तु यातः स्वीकारं यायिपिं दै मखुला ? उगु विशाल अग्निं सिनावनेवं हे संसारे अग्निं शून्यं ज्वीमखु ।

गथे व विशाल अग्नि प्रज्वलित याई अथे हे भगवानं थःगु बुद्ध-तेजं दश-सहस्रं लोके प्रज्वलित जुयाव्वनी । गथे उगु अग्नि-सिना ख्वाउं या वन । अथेहे भगवानं निर्वाणं प्राप्त याना संसारं बालक हे छुटे जुया विज्यात । गथे अग्नि-सिना ख्वाउं या वंसैली छुं तृण वा काष्ठ ग्रहणयाइ-मखुः अथेहे संसार यातः उपकारयाना बिज्याकःम्ह मगवानं नं स्वीकार व अस्वीकार याय्गु प्रश्नं मुक्त जुया बिज्याय् धुंकल । गथे अग्नि सिना वनाली सुं मनुष्यं, गुगुखः अग्नि पैदा याय् माल धाःसा चक्-मक् यातः थःगु बलं थ्वाना अग्नि पिकाई, अथेहे देव-मनुष्य पिसं वस्पोल भगवान् य शरीर-भस्म रूपी रत्न यागु पूजा यायां तथा वस्पोल यागु उपदेश ज्ञान-रत्न या अनुकूल आचरण यायां श्वता प्रकार या सम्पत्ति प्राप्त याना काई । थुकि या निमित्त भगवान् बुद्ध परिनिर्वाण जुया बिज्या सानं वस्पोल या प्रति यानागु पूजा अचूक व सफल जुई ।

“पुष्प-पूजा”

वरुणगन्ध-गुणोपेतं, एतं कुसुम सन्ततिं
पूजयामि मुनिन्दस्स, सिरीपाद-सरोरुहे ।
पूजेमि बुद्धं कुसुमेन नेन पुञ्जेनमेतेन च हेतु मोक्खं ।
पुष्पं मिलायति यथा इदम्मे, कायो तथा याति विनासभावं ।

भावार्थ :—

सुन्दर वर्ण व सुगन्ध युक्त थुगु पुष्पं जिं मुनीन्द्र (= भगवान बुद्ध)
या श्रीचरण कमल या पूजा याना ॥ १ ॥

थुगु पुष्प द्वारा जिं पूजा यानागु थुगु पुण्य या प्रभावं जितः मोक्ष
लाभ ज्वीमाः । गुगु प्रकारं थुगु पुष्प मलीन जुयावनी, अयेहे थ्व जिगु
शरीर नं विनाश जुयावनी ।

पुष्प-पूजा व अनित्य भावना

निरोध समापसितो उट्टुहित्वा विय निसिञ्जस्स भगवतो
अरहतो सम्मा सम्बुद्धस्स इमिना पुष्पेन पूजेमि-पूजेमि-
पूजेमि । इदं पुष्प पूजं बुद्ध पच्चेक बुद्ध अग्ग सावक महा-
सावक अरहन्तानं सभाव सीलं अहम्पि तेसं अनुवत्तको
होमि ॥ १ ॥

इदं पुष्पं दानि वरणेनपि सुवर्णं, गन्धेनपि सुगन्धं
सराठानेन पि सुसराठानं खिप्पमेव दुष्बलं दुग्गन्धं दुस्सराठानं
अनिच्छत्तं पापुण्हिस्सति ॥ २ ॥

एवमेव सब्बे सङ्कारा अनिच्छा. सब्बे सङ्कारा दुक्ख्वा, सब्बे
धम्मा अनत्ताति ॥ ३ ॥

इमिना वन्दन-मानन पूजापट्टिपत्ति अनुभावेन आसव-
क्खया वहं होतु, सब्बा दुक्ख्वा पमुच्चतु ।

भावार्थ :—

निरोध समापत्ति ध्यानं दना फेटुना विज्याकम्ह भगवान् अर्हत् सम्यक्
सम्बुद्ध यात, थुगु पुष्पं पूजायाना, पूजायाना, पूजायाना । थुगु पुष्पपूजा
बुद्ध, प्रत्येक बुद्ध, अग्रभ्रावक, महाभ्रावक व अर्हन्त् पिनिगु स्वभाव शील
खः, जि नं वस्पोल पिनिगु अनुकरण याना ॥ १ ॥

थुगु पुष्प आः वर्णं नं सुन्दर वर्णं जुयाच्चवन, गन्धं नं सुन्दर सुगन्धगु
खः, हानं गठनं नं सुन्दर गठनं गु खः । अथेनं याकनं हे दुर्वर्णं,
दुर्गन्धं व दुर्गठनं जुयावनी गु खः (अर्थात् विनष्ट जुया वनीगु खः) ॥ २ ॥

थुगु प्रकारं दयाच्चक संस्कार अनित्य खः, दया च्चक संस्कार दुक्खमय
खः, हानं दयाच्चक धर्म (= मनया विषय) अनात्म खः ॥ ३ ॥

थुगु वन्दना, आदर व पूजा तथा प्रतिपत्ति या अनुभावं जिगु दक्ख
आश्रव (= चित्तमल) क्षय जुया वनेमाः; जिगु दयाच्चक दुःख विनष्ट
जुया वनेमाः ॥ ४ ॥

धूप-पूजा

गन्ध सम्भार युक्तेन धूपेनाहं सुगन्धिना.
पूजये पूजनेय्यस्तं, पूजाभाजनमुत्तमं ॥ १ ॥
सुगन्धिकाय घट्टन मनन्त गुण गन्धिनं,
सुगन्धिनाहं गन्धेन पूजयामि तथागतं ॥ २ ॥

भावार्थ :—

गन्धसम्भारयुक्त सुगन्धित धूप द्वारा जि पूजा याय् योग्यम्ह सर्व
श्रेष्ठ पूजनीय बुद्ध भगवान यात पूजा याना ॥

जि सौरभ मण्डित अर्थात् अनन्त गुण रूपी सुगन्धं सुवासित शरीरम्ह
तथागत यात सुन्दर युक्त गन्ध (धूपादि) द्वारा पूजा याना ॥ २ ॥

प्रदीप-पूजा

घनसारप्पदिक्तेन दीपेन तमर्धसिना,
तिलोक्तदीपं सम्बुद्धं पूजयामि तमोनुदं ॥ १ ॥

घनसार (चन्दन) तैल द्वारा अन्धकार विनाश ज्वीगु प्रदीपं श्वंगू
लोक या प्रदीप (= श्वंगू लोके ज्ञान-रूपी प्रकाश फैले याना विज्याईह्ल)
भगवान बुद्ध यातः पूजा याना ।

आहार-पूजा

अधिवासेतु नो भन्ते भोजनं परिकल्पितं
अनुकम्पं उपादाय पतिगरहातुमुत्तमं ।

भन्ते ! हृत्पोल यातः योग्य उत्तम गु आहार जि चढे याना ।
कृपातसें जिगु ध्व भोजन प्रहण यानाविज्याहुँ ।

क्षमा-याचना

(१) कायेन वाचाय वा चेतसा वा
बुद्धे कुकम्मं पकतं मया यं
बुद्धो पटिग्गएहतु अच्चयन्तं
कालन्तरे संवरितुं न बुद्धे ।

काय, वचन तथा मनं बुद्ध भगवान या प्रति जि प्रमाद वश ह्युं
कुकर्म जूगु दुसा, भगवानं जितः क्षमा याना विज्याहुँ गुगुखः जि आवंलि
संयमी जुयाच्चने ।

(२) कायेन वाचाय वा चेतसा वा
धम्मो कुकम्मं पकतं मया यं
धम्मो पटिग्गएहतु अच्चयन्तं
कालन्तरे संवरितुं न धम्मो ।

काय, वचन तथा मनं धर्म या प्रति जि प्रमाद वश ह्युं कुकर्म जूगु
दुसा, धर्मं जितः क्षमायाना विज्याहुँ गुगुखः जि आवंलि संयमी
जुयाच्चने ।

(३) कायेन वाचाय वा चेतसा वा
संघे कुकम्मं पकतं मया यं

(२७)

संघो पटिग्गएहतु अण्णयन्तं
कालन्तरे संवरितुं न संघे ।

काय, वचन तथा मनं संघ या प्रति जि प्रमाद वशं कुकर्मं जग्गु
दुसा, संघं जितः ज्जमा याना बिज्याहुँ, गुगु खः जि आवांलि संयमी
जुयाच्चने ।

Dhamma.Digital